

ქ. თბილისი

2 ნოემბერი 2017 წელი

ერთის მხრივ, სსიპ - ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“), წარმოდგენილი მისი ადმინისტრაციის ხელმძღვანელის ნუნუ ოვსიანიკოვას სახით და, მეორეს მხრივ, შპს „სბმ თიმ“ (შემდგომში „მიმწოდებელი“), წარმოდგენილი მისი დირექტორის ანნა კვაჭაძის სახით, სახელმწიფო შესყიდვების კანონის და პრეტენდენტის (შპს „სბმ თიმ“) სატენდერო წინადადების საფუძველზე, ელექტრონული ტენდერის (SPA170012977) ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვების შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „საქონელი“ - ხელშეკრულების მე-3 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - ტექნიკური დოკუმენტაციის ტექნიკური დავალება, „ფასების ცხრილი“ - დანართი 1, რომელიც დაერთვება ხელშეკრულებას, როგორც მისი განუყოფელი ნაწილი.

### 2. სტანდარტები

- 2.1. ხელშეკრულების ფარგლებში მოწოდებული საქონელი უნდა შეესაბამებოდეს ტექნიკურ დავალებაში მითითებულ სტანდარტებს.

### 3. ხელშეკრულების საგანი

- 3.1. სსიპ - ივანე ჯავახიშვილის სახელობის თბილისის სახელმწიფო უნივერსიტეტის ეკონომიკური შემოსავლების ფარგლებში თსუ-ს კალათბურთის, რაგბის, ფრენბურთისა (ვაჭები, გოგონები) და ძალოსნობის გუნდებისთვის სპორტული ტანსაცმლის (CPV18412000) შესყიდვა.
- 3.2. ხელშეკრულებით გათვალისწინებული შესყიდვის ობიექტის სრული აღწერა და ძირითადი მახასიათებლები მოცემულია ტექნიკურ დავალებასა და „ფასების ცხრილი“ - დანართი N1-ში, რომელიც წარმოადგენს ხელშეკრულების განუყოფელ ნაწილს.

#### 4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს 34445.00 (ოცდათოთხმეტიათასოთხასორმოცდახუთი ლარი და 00 თეთრი) ლარს.
- 4.2. მოსაწოდებელი საქონლის ერთეულისა და საერთო ფასი განისაზღვრება ტენდერში მიმწოდებლის მიერ წარმოდგენილი დოკუმენტის - „ფასების ცხრილი“ - დანართი N1-ის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.
- 4.3. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

#### 5. ხელშეკრულების შესრულების კონტროლი

- 5.1. ხელშეკრულების შესრულების კონტროლს განახორციელებს სსიპ - ივანე ჯავახიშვილის სახელობის თბილისის სახელმწიფო უნივერსიტეტის სპორტისა და კულტურის დეპარტამენტის უფროსის მოადგილე ნიკა მიქაუტაძე.
- 5.2. ინსპექტირება გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მიწოდებისთვის აუცილებელი პირობებისა და ნორმების დაცვას.
- 5.3. მიმწოდებელი ვალდებულია საკუთარი ხარჯებით (ტრანსპორტირების ჩათვლით) უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული (დაბალი ხარისხის) ობიექტის შეცვლა. არ შეცვლის შემთხვევაში შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

#### 6. ანგარიშსწორების ფორმა, ვადები და პირობები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში არაუმეტეს ერთ ეტაპად.
- 6.2. ანგარიშსწორება „შემსყიდველსა“ და „მიმწოდებელს“ შორის განხორციელდება მიღება-ჩაბარების აქტის, შესაბამისი საგადასახადო ანგარიშ-ფაქტურის და/ან სასაქონლო ზედნადების, ინსპექტირების დადებითი დასკვნის საფუძველზე, დოკუმენტაციის წარმოდგენიდან 10 სამუშაო დღის განმავლობაში.

#### 7. შესყიდვის ობიექტის საგარანტიო ვადა

- 7.1. მიმწოდებელი იძლევა მიწოდებული შესყიდვის ობიექტის არსებულ სტანდარტებთან შესაბამისობის გარანტიას.

#### 8. შესყიდვის ობიექტის მიწოდების ვადა, ადგილი და პირობები

- 8.1. მიმწოდებელი შესყიდვის ობიექტის მიწოდებას განახორციელებს შემდეგ მისამართზე: ქ. თბილისი, ჭავჭავაძის გამზ. N1.
- 8.2. შესყიდვის ობიექტის მიწოდების ვადაა, ხელშეკრულების გაფორმებიდან არაუგვიანეს 20 კალენდარული დღისა არაუმეტეს ერთ ეტაპად.

8.3. ხელშეკრულების დამდებ არცერთ მხარეს არა აქვს უფლება შეიტანოს მიწოდების გრაფიკში ცვლილებები მეორე მხარესთან შეთანხმების გარეშე.

## 9. შესყიდვის ობიექტის მიღება-ჩაბარების წესი

9.1. შესყიდვის ობიექტის მიღება-ჩაბარება ფორმდება მიღება-ჩაბარების აქტით, სათანადო სასაქონლო ზედნადების თანდართვით, შემსყიდველისა და მიმწოდებლის უფლებამოსილი წარმომადგენლების ხელმოწერით.

9.2. მიღება-ჩაბარებისას შემსყიდველი ორგანიზაცია განახორციელებს მიწოდებული შესყიდვის ობიექტის ინსპექტირებას. ინსპექტირების შედეგებზე შედგენილი იქნება დასკვნა უფლებამოსილი პირების ხელმოწერით.

## 10. პირგასამტეხლო ხელშეკრულების პირობების შეუსრულებლობისთვის

10.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.1 %-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური რირებულების 10 (ათი) %-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეებს ძირითადი ვალდებულებებისგან.

## 11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის, შეცვლა დაუშვებელია.

11.3. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.4. 11.3. პუნქტით გათვალისწინებული გადაწყვეტილების მიღების განზრახვის შესახებ მხარე ვალდებულია არანაკლებ 5 კალენდარული დღით ადრე წერილობით, ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

## 12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ განთავისუფლდება ნაკისრი ვალდებულებებისაგან.

12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

### 13. დავები და მათი გადაწყვეტის წესი

13.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

### 14. ხელშეკრულების მოქმედების ვადა

14.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 30 დეკემბრის ჩათვლით.

#### შემსყიდველი

ივ. ჯავახიშვილის სახელობის თბილისის  
სახელმწიფო უნივერსიტეტი  
მისამართი:  
ქ. თბილისი, ი. ჭავჭავაძის გამზ. N1

საბანკო რეკვიზიტები:  
სახელმწიფო ხაზინა  
ეკონომიკური საქმიანობიდან მიღებული  
შემოსავლების დაფინანსების  
ფარგლებში.  
საიდენტიფიკაციო კოდი:  
204864548

ადმინისტრაციის  
ხელმძღვანელი:

/ნ. ოგაიანიკოვა/



#### მიმწოდებელი

შპს „სბმ თიმ“

მისამართი:  
ქ. თბილისი, თენგიზ აბულაძის ქ. 34 ბ 30

საბანკო რეკვიზიტები:  
„ვი თი ბი ბანკი ჯორჯია“  
GE55VT7500008283843602  
ბანკის კოდი: UGEBGE22

საიდენტიფიკაციო კოდი:  
405181306

შპს „სბმ თიმ“-ს  
დირექტორი:

/ა. კვაჭაძე/



# ხელშეკრულების № დანართი №1

შპს „სბმ თიმ“ სატენდერო წინადადება, ფასების ცხრილი (ხარჯთაღრიცხვა) და ტექნიკური დავალები

ქ.თბილისი

2 ნოემბერი 2017 წელი

| № | დასახელება                   | პარამეტრები და ტექნიკური აღწერილობა                                                                                                                                                                                                                                                                                                                                                                          | რაოდენობა                                                                       | მწარმოებელი<br>ქვეყანა,<br>მწარმოებელი<br>ფირმა და<br>მოდელი<br>(ასეთის<br>არსებობის<br>შემთხვევაში) | ერთეულის<br>ფასი | საერთო<br>ღირებულება |
|---|------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------|------------------------------------------------------------------------------------------------------|------------------|----------------------|
| 1 | 1                            | 2                                                                                                                                                                                                                                                                                                                                                                                                            | 3                                                                               | 4                                                                                                    | 5                | 6                    |
| 1 | გამაში                       | ნაჭერი უნდა იყოს 65-75% პოლიამიდი, 10-16% კომპრესირებული ელასტიკი, 10-15% სუფთა ელასტიკი. ზედა სართყელი უნდა შედგებოდეს კომფორტული და ელასტიკური ნაქსოვი მანუქტისგან. კოჭიდან მუხლამდე ნაჭერი უნდა შედგებოდეს რბილი პოლიამიდის ნაჭრისგან, ქუსლის და თითის მხარეს უნდა იყოს ორმაგი ელასტიკი, ტერფის დარჩენილი ნაწილი უნდა შედგებოდეს კომპრესირებული ელასტიკისგან. (ქსოვილის შემცველობის მაჩვენებელი იარლიყით) | 100 წყვილი.<br>(მათ შორის<br>ლურჯი ფერი - 50<br>ცალი, თეთრი<br>ფერი - 50 ცალი)  | ესპანეთი<br>JOMA                                                                                     | 20.00            | 2000.00              |
| 2 | მასური<br>(კალათბურთის)      | დამზადებული უნდა იყოს ნაჭრით, რომელიც შედგება 100% პოლიესტერისგან. შიდა ჩაკეტილი ნაკერის კერვის ტექნოლოგიით შეკერილი. გვერდებზე ჩადგმული უნდა ჰქონდეს რბილი, წელიადი, ბადისებრი ნაჭერი, მხრებზე და გვერდებზე ჩადგმული უნდა ჰქონდეს თეთრი ან ნაცრისფერი ნაჭერი. (ქსოვილის შემცველობის მაჩვენებელი იარლიყით)                                                                                                   | 32 ერთეული. (მათ<br>შორის თეთრი<br>ფერის - 16 ცალი,<br>ლურჯი ფერის 16<br>ცალი)  | ესპანეთი<br>JOMA                                                                                     | 65.00            | 2080.00              |
| 3 | შორტი<br>(კალათბურთით)       | დამზადებული უნდა იყოს ნაჭრისგან, რომელიც შედგება 100% პოლიესტერისგან. შიდა ჩაკეტილი ნაკერის ტექნოლოგიით შეკერილი. შორტს ზედა მხარეს წელიადი უნდა ჰქონდეს რეზინი და თასმა. შორტის ტოტების დაბოლოება უკანა მხარეს უნდა იყოს უფრო გრძელი, ვიდრე შიდა მხარეს. (ქსოვილის შემცველობის მაჩვენებელი იარლიყით)                                                                                                        | 32 ერთეული. (მათ<br>შორის თეთრი<br>ფერი - 16 ცალი,<br>ლურჯი ფერის - 16<br>ცალი) | ესპანეთი<br>JOMA                                                                                     | 50.00            | 1600.00              |
| 4 | მასური (ბიჭის<br>ფრენბურთით) | დამზადებული უნდა იყოს 90-92%-იანი პოლიესტერისა და 8-10%-იანი ელასტიკის ნაჭრისგან. შიდა ჩაკეტილი ნაკერის ტექნოლოგიით შეკერილი. მკლავებზე და მკერდზე უნდა                                                                                                                                                                                                                                                      | 24 ერთეული. (მათ<br>შორის თეთრი<br>ფერის - 12 ცალი,                             | ესპანეთი<br>JOMA                                                                                     | 65.00            | 1560.00              |

|    |                                    |                                                                                                                                                                                                                                                                                                                                                   |                                                                      |               |         |
|----|------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------|---------------|---------|
|    |                                    | ჰქონდეს ჩადგმული რბილი, წელვადი, ბადისებრი ქსოვილი. მხრებში ჩადგმული უნდა ჰქონდეს ლურჯი ან თეთრი ფერის ნაჭერი. (ქსოვილის შემცველობის მაჩვენებელი იარლიყით)                                                                                                                                                                                        | ლურჯი ფერის - 12 ცალი                                                |               |         |
| 5  | შორტი (ბიჭის. ფრენზურთი)           | უნდა იყოს 100%-იანი პოლიესტერის ნაჭრით დამზადებული. შიდა ჩაკეტილი ნაკერის ტექნოლოგიით შეკერილი. ნაჭერი უნდა იყოს რბილი, წელვადი და გამძლე. შორტს ზედა მხარეს წელზე უნდა ჰქონდეს რეზინი და თასმა. (ქსოვილის შემცველობის მაჩვენებელი იარლიყით)                                                                                                      | 24 ერთეული. (მათ შორის თეთრი ფერის - 12 ცალი, ლურჯი ფერის - 12 ცალი) | ესპანეთი JOMA | 960.00  |
| 6  | მაისური (გოგო. ფრენზურთი)          | დამზადებული უნდა იყოს არაელასტიური კოტონის 150-160 (მ/ზ-ზე) გრამიანი ნაჭრისგან, რომელიც შედგება 90-93% კოტონისგან და 7-10% სპანდერისგან. შიდა ჩაკეტილი ნაკერის ტექნოლოგიით შეკერილი. (ქსოვილის შემცველობის მაჩვენებელი იარლიყით)                                                                                                                  | 24 ერთეული. (მათ შორის თეთრი ფერის - 12 ცალი, ლურჯი ფერის - 12 ცალი) | ესპანეთი JOMA | 1560.00 |
| 7  | შორტი (გოგო. ფრენზურთი)            | დამზადებული უნდა იყოს არაელასტიანი კოტონის ნაჭრით. ტანზე მოტკეცილი დიზაინის. შიდა ჩაკეტილი ნაკერის ტექნოლოგიით შეკერილი. (ქსოვილის შემცველობის მაჩვენებელი იარლიყით)                                                                                                                                                                              | 24 ერთეული. (ლურჯი ფერის)                                            | ესპანეთი JOMA | 960.00  |
| 8  | მაისური (რაგბი)                    | დამზადებული უნდა იყოს ევერეტქსის პრიალა ნაჭრით, რომელიც შედგება 100% პოლიესტერისგან. შიდა ჩაკეტილი ნაკერის ტექნოლოგიით შეკერილი. საყელო უნდა იყოს ღილვზე. ტანზე მომდგარი დიზაინის. (ქსოვილის შემცველობის მაჩვენებელი იარლიყით)                                                                                                                    | 25 ერთეული. (ლურჯი ფერის)                                            | ესპანეთი JOMA | 2125.00 |
| 9  | შორტი (რაგბი)                      | დამზადებული უნდა იყოს 100%-იანი პოლიესტერის ნაჭრისგან. შორტის ზედა მხარეს უნდა იყოს ორმაგი გამგრებული რეზინი. შიდა ჩაკეტილი კერვის ტექნოლოგიით შეკერილი. (ქსოვილის შემცველობის მაჩვენებელი იარლიყით)                                                                                                                                              | 25 ერთეული. (ლურჯი ფერის)                                            | ესპანეთი JOMA | 1500.00 |
| 10 | სპორტული ეკიპირება (ბიჭები. ზედა)  | სპორტული ზედა შეკერილი უნდა იყოს 100%-იანი პოლიესტერის ნაჭრისგან. სწორი სილუეტი. წელზე და მკლავების ბოლოს უნდა ჰქონდეს მანუეტები დამუშავებული რეზინით. ჯიბეები უნდა ეკვრებოდეს ელვა შესაკრავით. წინ უნდა ჰქონდეს ელვა შესაკრავი. სახელოებზე და მკერდზე ჩადგმული უნდა ჰქონდეს 5 სმ.-იანი თეთრი ნაჭერი. (ქსოვილის შემცველობის მაჩვენებელი იარლიყით) | 58 ერთეული. (ლურჯი ფერის)                                            | ესპანეთი JOMA | 6960.00 |
| 11 | სპორტული ეკიპირება (ბიჭები. ქვედა) | სპორტული შარვალი შეკერილი უნდა იყოს 100%-იანი პოლიესტერის ნაჭრით. უნდა იყოს სწორი დამუშავებული ფორმის. შარვლის ტოტის ძირი უნდა იყოს ელვა შესაკრავით და რეზინის მანუეტით დამუშავებული. ჯიბეები უნდა ეკვრებოდეს ელვა შესაკრავით. წელზე უნდა ჰქონდეს რეზინი და დამატებითი შესაკრავი თოკი. (ქსოვილის შემცველობის მაჩვენებელი იარლიყით)                | 58 ერთეული. (ლურჯი ფერის)                                            | ესპანეთი JOMA | 5220.00 |

|    |                                            |                                                                                                                                                                                                                                                                                                                                                                |                              |                  |        |          |
|----|--------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------|------------------|--------|----------|
| 12 | სპორტული<br>ეკიპირება<br>(გოგონები, ზედა)  | სპორტული ზედა შეკერილი უნდა იყოს 100%-იანი პოლიესტერის ნაჭრისგან. წელში გამოყვანილი სილუეტი. წელზე და მკლავების ბოლოს უნდა იყოს მანუეტი, დამუშავებული რეზინით. ჯიბეები უნდა ეკვრებოდეს ელვა შესაკრავით. წინ უნდა ჰქონდეს ელვა შესაკრავი. სახელოებზე და მკერდზე ჩადგმული უნდა ჰქონდეს 5 სმ.-იანი მუქი ლურჯი ნაჭერი. (ქსოვილის შემცველობის მაჩვენებელი იარლიყით) | 12 ერთეული.<br>(ლურჯი ფერის) | ესპანეთი<br>JOMA | 120.00 | 1440.00  |
| 13 | სპორტული<br>ეკიპირება<br>(გოგონები, ქვედა) | სპორტული შარვალი შეკერილი უნდა იყოს 100%-იანი პოლიესტერის ნაჭრისგან. უნდა იყოს სწორი დაშვებული ფორმის. შარვლის ტოტის ძირი უნდა იყოს ელვა შესაკრავიანი. ჯიბეები უნდა ეკვრებოდეს ელვა შესაკრავით. წელზე უნდა ჰქონდეს რეზინი და დამატებითი შესაკრავი თოკი. (ქსოვილის შემცველობის მაჩვენებელი იარლიყით)                                                            | 12 ერთეული.<br>(ლურჯი ფერის) | ესპანეთი<br>JOMA | 90.00  | 1080.00  |
| 14 | გაზოსასვლელი<br>მაისური                    | პოლო. ქსოვილი უნდა იყოს 65% პოლიკოტონი და 35% პოლიესტერი. შიდა ჩაკეტილი ნაკერის ტექნოლოგიით დამზადებული. მოკლე მკლავიანი. უნდა ჰქონდეს დამდგარი საყელი თეთრი ზოლით. (ქსოვილის შემცველობის მაჩვენებელი იარლიყით)                                                                                                                                                | 20 ერთეული<br>(ლურჯი ფერის)  | ესპანეთი<br>JOMA | 60.00  | 1200.00  |
| 15 | სუბლიმაცია                                 | მალაი ხარისხის ბეჭდვა (დიზაინის შემსყიდველთან შეთანხმებით).<br>რაოდენობა წარმოადგენს საორიენტაციო ციფრს, რომლის მიხედვითაც და საჭიროების ფარგლებშიც მოხდება მიმწოდებლისა თვის შეკვეთის წარდგენა.<br>შესაბამისად, შემსყიდველი ვალდებული არ არის სრულად აითვისოს ცხრილში მოცემული სუბლიმაციის რაოდენობა                                                          | არაუმეტეს 600<br>ერთეული     | ესპანეთი<br>JOMA | 7.00   | 4200.00  |
|    |                                            |                                                                                                                                                                                                                                                                                                                                                                |                              |                  | ჯამი   | 34445.00 |

შემსყიდველი:

სსიპ - ივანე ჯავახიშვილის სახელობის თბილისის  
სახელმწიფო უნივერსიტეტი

ადმინისტრაციის ხელმძღვანელი:

/ნ. ოვსიანაშვილი/



მიმწოდებელი:

შპს „სბმ თიმ“

დირექტორი:

/ა. კვაჭაძე/



შპს სბმ თიმ  
405 181 306  
LTD SBM Team

## ინფორმაცია ინტერესთა კონფლიქტის შესახებ

ქ. თბილისი

2 ნოემბერი 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ხელის მომწერნი ადასტურებენ, რომ სახელმწიფო დაფინანსების ფარგლებში 2017 წლის 29 სექტემბერს გამოცხადებული ელექტრონული ტენდერის საშუალებით სსიპ - ივანე ჯავახიშვილის სახელობის თბილისის სახელმწიფო უნივერსიტეტის ეკონომიკური შემოსავლების დაფინანსების ფარგლებში თსუ-ს კალათბურთის, რაგბის, ფრენბურთისა (ვაჭები, გოგონები) და ძალოსნობის გუნდებისთვის სპორტული ტანსაცმლის CPV:18412000 სახელმწიფო შესყიდვის მიზნით (განცხადების ნომერი SPA170012977) შესყიდვის განხორციელებაში შპს „სბმ თიმ“-სთან მათი მონაწილეობა არ იწვევს ინტერესთა კონფლიქტს.

თსუ ადმინისტრაციის ხელმძღვანელი



ნ. ოვსიანიკოვა

თსუ იურიდიული დეპარტამენტის  
უფროსი



ა. კუკულავა